


POETS SHOW DEN AMBIENTE

25 Aña Sirbiendo Mi Pueblo PoetsTV

Aruba a perdeun Genio Caricaturista...

Amigo Colega hopi danki pa semper a apoya Poets ShowTV..

Ron Wever Sosega na Paz.



** Ayera coleganan di DIARIO a despedi di sugenio Caricaturista Ron Wever, kende riba bispo di aña nobod espues di varios aña luchando pa susalud a ser yama pa nos Creador. No tin duda cu e lamentable perdida aki a ser sinti tambe cerca e fiel lectoran di DIARIO, kendenan tur dia tabata ser deleita cu Ron su creativo caricaturanan cu tabata briyana di segundo pagina den DIARIO. Topico nan specialmente den e tereno di politica tabata ser crea den un forma unico pa Ron Wever cual por ser aprecia riba e pagina aki. Pa boso sirbidor aki Jan Poets, Ron Wever a crea un genial logo colorido di Poets Show y tambe na varios ocasion a pone Poets briya den su famoso caricaturanan, cual uno ta briyariba e pagina di awe. Semper mi ta keda recorda Ron na momento cu den ora nan tempran di anochi e ta trece su layout y nos tur tabata ancioso pa sa ta cua topico e ta bai publica. No ta tin palabra pa describi e forma genioso cu maestro Ron tabata realiza su trabao como

Caricaturista. No ta facil pa tur dia bo crea un topico y pone briya den un forma atractivo cu den hopi ocasion a resulta den e "talk of the day". Un persona cu semper gusta hari y semper prome cu e bai cas bek ta pasa den mi oficina y crea un joke pa djis tende mi hari prome cu e bai cas. Un persona cu semper a motiva mi cu su conshonan y cada viahe cu mi a yega di realiza Ron tabata elogia mi trabao. Na 2012 cu mi kier a crea un logo nobo specialmente pa mi programa di TV, Ron den forma gratuito a regala mi e genial logo di Poets Show. Semper tabata e deseo pa realiza un programa cu su persona, pero nunca a logra, pasobra Ron ni pa nada di mundo no ta gusta publicidad. Celebracion 25 aña di Den Ambiente PoetsTV Award no a lubid ariba Ron, pero lamentablemente Ron no por tabata presente pa ricibi su homenaje. Mi mas profundo condolencia y hopi forsa na su yiunan, famia y coleganan di Diario y cu nos querido amigo colega Ron Wever Sosega na Paz.

